

## Fasnachtslied 1c

Hängget d'Drummle-n-a!  
Dr Morgestraich foht a!  
Lueg, dert mit dr lange Nase  
kunnt jo no e Waggis z'rase.  
Loos wie's Vieri, loos wie's Vieri schloht.

S'pfyfft und drummlet scho;  
jetzt isch Zyt zem goh.  
Mir wänn räcthi Basler sy.  
Laufe hinderem Zigli dry.  
Pfyffet, drummlet, drummlet frisch druff los.

D'Guggemussig, loos,  
kunnt dur d'Freyestrooss.  
Hersch wie's kracht und tschätteret?  
E-n-alti Dante wätteret:  
Sali Bebbi, gäll, du kennsch mi nit?

Waiht nit in der Luft  
Zibelewaihe-Duff?  
In der Dalbe vor em Stärne  
Stoht e luschtigi Latärne.  
Hit tisch Fasnacht, jetzt isch Morgestraich.